



SAKSPAPIR

Saksnr	Utval	Type	Dato
09/2020	Ombodsutvalet	PS	16.09.2020
	Kommunestyret	PS	

Sakshandsamar	Arkiv	ArkivsakID
Lin Tove Thomassen	FE-030	19/1040

FJERNMØTER FOR FOLKEVALDE ORGAN

Rådmannen sitt framlegg til vedtak:

Kommunestyret vedtek at alle folkevalde organ i kommunen kan halde politiske møter som fjernmøter.

Ombodsutvalet - Sak 09/2020

OMB - Behandling:

Rådmann Atle Fasteland orienterte om saka.

Utvalet drøfta saka.

Rådmannen sitt framlegg til vedtak vart samrøystes vedteke

OMB - Tilråding/Vedtak:

Ombodsutvalet si innstilling til kommunestyret:

Kommunestyret vedtek at alle folkevalde organ i kommunen kan halde politiske møter som fjernmøter.

Saksopplysningar:

Kommunelov §11-7, 1. ledd gjev kommunestyret rett til å vedta at folkevalde organ i kommunen skal kunne halde møter som fjernmøter. Regelen gjeld både når eit medlem deltek via fjernmøte eller alle.

Samtidig er det ei begrensing i kommunelova som seier at folkevalde organ ikkje kan handsame

lukka saker via fjernmøter, §11-7, 3 ledd, eller at ein kan gjennomføre fjernmøter utan at desse er tilgjengeleg for publikum.

Det er grunn til å tru at dette var årsaka til at Kommunal- og moderniseringsdepartementet sette i verk «Midlertidig forskrift om gjennomføring av fjernmøter i folkevalgte organer i kommuner og fylkeskommuner for å begrense spredning av Covid-19» som opna for å handsame lukka saker under fjernmøter og la til rette for at dei politiske møtene kunne gjennomførast digitalt, sjølv om det ikkje var mogleg for publikum å følgja møtet. Den mellombelse forskrifta opphørte 1. august 2020 og det er forventa at departementet vil utarbeide ei ny.

Som hovudregel ønskjer rådmannen å leggje til rette for fysiske møter for dei folkevalde. Sett i lys av korona-pandemien og behov for å gjennomføre møter i tida framover, ser rådmannen behov for å fatte eit vedtak som opnar for at folkevalde i Vaksdal kan gjennomføra møter som fjernmøter for alle folkevalde organ.

Det vil vere eit mål om å tilrettelegge så langt som mogleg for streaming av møtene slik at publikum får delta i møte. Lukka saker må behandlast i fysiske møter inntil ei evt lovending.